



I-III/2021


Тархаасан: 2021 оны 4 дүгээр сарын 12



Иргэн, хуулийн этгээдээс ирүүлсэн 98 бүтээлд патент олгожээ.


Оюуны өмчийн газрын мэдээллээр улсын хэмжээнд 2021 оны эхний улиралд шинэ бүтээл болон бүтээгдэхүүний загварын патент авахаар 133 иргэн, хуулийн этгээд мэдүүлэг гаргасан нь өмнөх оны мөн үеэс 34 (34.3%)-өөр өсжээ.

Зураг 1. Патент, жил бүрийн эхний улиралд



Иргэн, хуулийн этгээдээс 2021 оны эхний улиралд ирүүлсэн 98 бүтээлд патент олгосны 51 нь шинэ бүтээлийнх, 47 нь бүтээгдэхүүний загварынх байгаа нь өмнөх оны мөн үеэс шинэ бүтээлийн патент 23 (82.1%)-аар, бүтээгдэхүүний загварын патент 4 (9.3%)-өөр өсжээ. Харин өмнөх сараас шинэ бүтээлийн патент 18 (2.5 дахин)-аар нэмэгдэж, бүтээгдэхүүний загварын патент 3 (15.0 %)-аар бүүрсан байна.

Зураг 2. Олгосон нийт патент, төрлөөр, сараар



Зураг 3. Шинэ бүтээлд олгосон патент, олон улсын ангиллаар, 2021 оны эхний улиралд



Шинэ бүтээлд олгосон патент (давхардсан тоогоор)-ыг олон улсын ангиллаар авч үзэхэд 23 нь хүний хэрэгцээг хангах зүйл, 19 нь хими, төмөрлөг, 9 нь физик, 8 нь механик, гэрэлтүүлэг, дулаан, шахуурга, хөдөлгүүр, зэвсэг тэсрэх бодис, 16 нь бусад ангилалд хамаарч байна.

Хүснэгт 1. Ашигтай загвар, жил бүрийн эхний улиралд

Үзүүлэлт	2020		2021	
	III	I-III	III	I-III
Ашигтай загварын нийт мэдүүлэг	32	82	33	74
Дотоодын мэдүүлэг	31	80	32	73
Гадаадын мэдүүлэг	1	2	1	1
Гэрчилгээ олгосон ашигтай загвар	18	58	11	35
Гэрчилгээ олгохоос татгалзсан	1	9	6	20

Оюуны өмчийн байгууллагад ашигтай загварын гэрчилгээ авахаар 2021 оны эхний улиралд 74 иргэн, хуулийн этгээд мэдүүлэг гаргасан нь өмнөх оны мөн үеэс 8 (9.8%)-аар буурчээ.

Мөн иргэн, хуулийн этгээдийн ирүүлсэн 35 ашигтай загварт гэрчилгээ олгосон нь өмнөх оны мөн үеэс 23 (39.7%)-аар буурчээ.

Хүснэгт 2. Барааны тэмдэг, жил бүрийн эхний улиралд

Үзүүлэлт	2020		2021	
	III	I-III	III	I-III
Барааны тэмдгийн нийт мэдүүлэг	302	981	374	1 140
Дотоодын мэдүүлэг	115	375	248	604
Гадаадын мэдүүлэг	28	89	45	124
Олон улсын мэдүүлэг ¹	159	517	81	412
Эрхийн хамгаалалт олгосон нийт барааны тэмдэг	406	1 115	332	912
Бүртгэхээс татгалзсан	180	535	161	488

Монгол Улсын хэмжээнд 2021 оны эхний улиралд барааны тэмдгийн эрхийн хамгаалалт авахаар 1140 иргэн, хуулийн этгээд мэдүүлэг гаргасан байна.

Нийт мэдүүлсэн барааны тэмдгийн 412 (36.1%) нь Мадридын хэлэлцээрийн дагуу Монгол Улсыг нэр зааж гаргасан олон улсын мэдүүлэг байна.

Мөн иргэн, хуулийн этгээдийн ирүүлсэн 912 барааны тэмдэгт эрхийн хамгаалалт олгосон нь өмнөх оны мөн үеэс 203 (18.2%)-аар буурч, 488 барааны тэмдгийг бүртгэхээс татгалзсан байна.

Тайлбар: ¹ Барааны тэмдгийн эрхийн хамгаалалт авахаар Мадридын хэлэлцээр болон Протоколын дагуу мэдүүлсэн Монгол Улсыг нэр зааж гаргасан олон улсын мэдүүлэг юм.

Бүтээлээ зохиогчийн эрхээр хамгаалуулахаар 2021 оны эхний улиралд 316 иргэн, хуулийн этгээд мэдүүлэг гаргасан нь өмнөх оны мөн үеэс 31 (10.9%)-ээр өсжээ.

Хүснэгт 3. Зохиогчийн эрхийн мэдүүлэг, бүтээлийн төрлөөр, дүнд эзлэх хувиар, 2021 оны эхний улиралд

Зохиогчийн эрхийн бүтээлийн төрөл	Зохиогчийн эрхийн мэдүүлгийн тоо	Дүнд эзлэх хувь
Шинжлэх ухаан, утга зохиолын бичмэл буюу аман төрөлд хамаарах бүтээл, түүнчлэн компьютерын программ	172	54.4
Материалыг нь сонгон түүвэрлэх, байршуулах зэргээр бүтээлч хөдөлмөрийн үр дүнд бий болсон, өөрийн бүтэц агуулгаараа оюуны бүтээлд тооцогдох тайлбар толь, лавлах, зохиолын цоморлог, өгөгдөхүүн-мэдээллийн сангийн бусад эмхэтгэлүүдийн төрөлд хамаарах бүтээл	50	15.8
Хөгжмийн урлагийн үгтэй болон үггүй бүтээл	35	11.1
Дуу авиа бүхий дүрст бүтээл /телевизийн нэвтрүүлэг, кино урлагийн бүтээл/	21	6.6
Дүрслэх урлагийн төрөлд хамаарах бүтээл	14	4.4
Архитектурын бүтээл, уран баримал, уран барилгын төрөлд хамаарах бүтээл	12	3.8
Үүсмэл бүтээлийн төрөлд хамаарах бүтээл	9	2.8
Ардын урлагийн бүтээлд тулгуурлан туурвисан үүсмэл бүтээлийн төрөлд хамаарах бүтээл	2	0.6
Чимэглэх болон хавсарга урлаг, тайз чимэглэлийн төрөлд хамаарах бүтээл	1	0.3
Нийт дүн	316	100.0

Ойлголт, тодорхойлолт:

Оюуны өмч: Оюуны бүтээлч үйл ажиллагааны үр дүнд бий болсон зохиогчийн эрхийн бүтээл, зохиогчийн эрхэд хамаарах эрхийн объект болон аж үйлдвэрийн өмчийг ойлгоно. Оюуны өмчийг хоёр хэсэгт ангилна. Үүнд:

- Аж үйлдвэрийн өмч: Шинэ бүтээл, бүтээгдэхүүний загвар, ашигтай загвар, барааны тэмдэг, газар зүйн заалт хамаарна;
- Зохиогчийн эрх: Зохиогчийн эрхийн бүтээлд ном, хөгжим, уран зураг, уран баримал, кино, компьютерийн программ, мэдээллийн сан, зар сурталчилгаа, газрын зураг, техникийн зураг зэрэг бүтээл багтдаг.

Патент: Тодорхой зүйлийг хийх шинэ арга замыг гаргасан эсвэл аливаа техникийн шинэ шийдлийг санал болгож буй бүтээгдэхүүн болон арга ажиллагаанд (шинэ бүтээл, бүтээгдэхүүний загварт) өгч буй онцгой эрх юм.

Шинэ бүтээл: Байгалийн хуульд тулгуурлан сэдэж, үндэслэлийг нь тодорхойлсон, үйлдвэрлэх арга ажиллагаа болон бүтээгдэхүүнд хамаарах, шинэ бүтээлийн түвшин агуулсан шинэ шийдлийг ойлгоно.

Бүтээгдэхүүний загвар: Бүтээгдэхүүний гадаад хэлбэр, хийцэд хамаарах гоёл чимэглэл, өнгө, өнгөний хослол агуулсан, шинээр зохион бүтээсэн, өвөрмөц шийдлийг ойлгоно.

Ашигтай загвар: Үйлдвэрлэлийн багаж, хэрэгсэл, аргад хамаарах, үйлдвэрлэлд ашиглах боломжтой техникийн шинэ шийдлийг ойлгоно.

Барааны тэмдэг: Иргэн, хуулийн этгээд өөрийн бараа, үйлчилгээг бусад этгээдийн бараа, үйлчилгээнээс ялгах зорилгоор хэрэглэх ялгагдах чадвартай илэрхийллийг ойлгоно.

Газар зүйн заалт: Тухайн газар нутгийн байгаль, цаг уурын нөхцөл, эсхүл тухайн газар нутгийн хүмүүсийн дадал заншил зэрэг хүчин зүйлээр тодорхойлогдсон чанар, нэр хүнд, бусад онцлог шинж чанар бүхий бараа, бүтээгдэхүүнийг үйлдвэрлэсэн улс, бүс, газар нутгийн газар зүйн тодорхойлолтыг ойлгоно.

Эх үүсвэр: Оюуны өмчийн газар

Ангилал, код: Патентын олон улсын ангилал (PCT), Ниццийн ангилал (NCL), Локарногийн ангилал (LOC)

Мэдээлэл авах линк:

<http://www.nso.mn/>

<http://www.1212.mn/>

Дараагийн мэдээ тархаах хуваарь: 2021 оны 5 дугаар сарын 17



*Хүн ам, нийгмийн статистикийн
газрын дарга А.Амарбал
Утас: (976-51)-264805*

*Хүн ам, нийгмийн статистикийн
газрын статистикч М.Доржпагма
Утас: (976-51)-263966*

